

DEN AMBIENTE.....

Fotos y Texto: Jan Poets


DIANA "LADY EYE" EMERENCIA A SER HONRA PA SU "SEÑORITA TA MANDA" COMO ROADJAM 2001..




** Ayera tardi na e prestigioso Bahia Club, Diana Emerencia "Lady Eye", di Claudius & O.R.E.O. a ricibi su trofeo como Roadjam 2001. E reconocimiento aki a ser eligi pa e miembronan di prensa carnavalesco, "Den Tur Skina" di Tele Aruba, "Aki Aya" di Canal 90 fm, "Riba Bao" di ATV 15, "Skirbidi y Popo" y "Den Ambiente/Den Skina Cayente" di DIARIO, "Poets Show" na Canal 90 fm y tambe "Fantasia y Alegria di Bon Dia Aruba. Riba foto por aprecia "Lady Eye" sumamente contento cu su precioso trofeo di glas, cual tabata algo unico traha pa Unique Engravings N.V....Pabien Lady Diana!..




** Aki por aprecia "Mighty Talent" y "Lady Eye" den pleno presentacion durante e grandioso parada cual shot exclusivo aki DEN AMBIENTE a tuma den Vondellaan. Cu e logro aki como Roadjam 2001, tanto "Lady Eye y Mighty Talent" por mira atras riba un super exitoso Carnaval 47, logrando tur e premionan di mas importante, Calypso King, Roadmarch King, Roadjam 2001 y O.R.E.O. como "Carnival Band of Year 2001"..Pabien Claudy..Lady Diana, Lady Edwina y "The Boy's from O.R.E.O"...



** Di e forma aki Diana Emerencia "Lady Eye" a ricibi su bunita trofeo for di man di e propio autor di e Roadjam "Señorita Ta Manda", kende ta nada mas y menos Mr. Claudius Philips "Mighty Talent". Por aprecia e momento aki cu "Lady Eye" a ricibi su trofeo den presencia di "Mighty Campo" di O.R.E.O., sra. Ivonne Quandus di Unique Engravings N.V. cu a traha e trofeo, Ivo Yanez di e programa carnavalesco "Den Tur Skina" na Tele Aruba y Ruben "Scorpio" Garcia di e programanan carnavalesco "Aki Aya" na Canal 90 Fm y "Riba Bao" na ATV 15. Un momento special cu sigur hamas Diana Emerencia lo lubida!..



** Aki e King of King's "Mighty Talent", ta ricibi e trofeo for di man di sra. Ivonne Quandus, pa asina su persona mes ricibi e honor pa haci entrega di e Trofeo como reconocimiento di Roadjam 2001, "Señorita Ta Manda" na "Lady Eye".



** E Matutino cu a biba durante carnaval den un alegria di fantasia na West Straat, tambe a otorga "Lady Eye" un plakaat di reconocimiento. E señorita cu ta goza di un alegria total ora e ta den su fantasia di "Manda", Elizabeth Guanipa, a ricibi e honor di entrega "Lady Eye" e plakaat...."Eh eh eh eh...JOKE"...